



UST

Umhverfisstofnun

Environment and Food Agency of Iceland

Suðurlandsbraut 24
IS - 108 Reykjavík, Ísland

© (+354) 591 2000
Fax (+354) 591 2010
umhverfisstofnun@ust.is
www.umhverfisstofnun.is

Skipulagsstofnun
Jakob Gunnarsson
Laugavegi 166
150 Reykjavík

Reykjavík, 5. apríl 2005
Tilvísun: UST20050300120/bs

Sjóvarnir við Stokkseyri frá Lóni að Markavörðu og austur fyrir Skipar og frá enda sjóvarnargarðs til austurs. Tilkynning um matsskyldu

Vísað er til bréfs Skipulagsstofnunar dag. 10. mars sl. þar sem óskað er álits Umhverfisstofnunar á matsskyldu ofangreindra framkvæmda.

Þær sjóvarnir sem hér um ræðir eru innan svæðis nr. 750 á náttúruminjaskrá, Fjörur við Stokkseyri og Eyrarbakka. Umhverfisstofnun telur að halda eigi raski í lágmarki og gæta þess að sjóvörmin hindri ekki aðkomu fólks að fjörunni.

Sjóvörn frá Markavörðu austur fyrir Skipar: Á þessum kafla er fjarlægð frá fjörukambi að vegfláa víða 8-12 m. Sjóvörn verður ýmist lögð við vegfláa eða efst á fjörukamb. Fyrirhugað framkvæmdasvæði er þannig að mestu ofan fjöru. Sjóvörmin verður talsvert áberandi á þessum kafla og því ætti að leggja áherslu á að sjóvörmin verði áferðarfallleg, falli vel að landi og hindri ekki aðkomu fólks að fjörunni.

Lón austur fyrir Markavörðu: Á þessum kafla er gömul sjóvörn á fjörukambi sem stendur til að styrkja. Á þessu svæði þarf að tryggja gott aðgengi að fjörunni jafnframt því að fella sjóvörn eins og kostur er að landi.

Stokkseyri austast, við orlofshús: Hér stendur til að setja sjóvörn framan við gamlan hlaðinn sjógarð. Fyrirhugað framkvæmdasvæði er í efsta hltua fjörunnar sem hefur að því er virðist verið grædd upp að hluta. Tryggja þarf gott aðgengi fólks að fjörunni.

Niðurstaða: Fyrirhugaðar sjóvarnir eru ýmist á fjörukambi eða ofan fjörunnar og að hluta til viðbót við núverandi sjógarða. Áhrif á fjöruna eru bundin við efsta hluta sandfjörunar. Framkvæmdin hefur engin áhrif á sjávarfitjar eða lífríki þangfjörunnar. Umhverfisstofnun vill ítreka nauðsyn þess að tryggja aðgengi fólks að fjörunni. Stofnunin telur ekki líklegt að ofangreindar framkvæmdir muni hafa umtalsverð umhverfisáhrif í för með sér.

Leit skal umsagnar Umhverfisstofnunar skv. 38. gr. laga nr. 44/1999 um náttúruvernd, áður en leyfi er veitt til framkvæmdanna.

Virðingarfyllt


Björn Stefánsson

Afrit: Sveitarfélagið Árborg


Helgi Jónsson
Forstöðumaður